

2015eko memoria laburtua

1. OHARRA INFORMAZIOA EMATEN DUEN ENTITATEAREN IDENTIFIKAZIOA

SORTU Alderdi Politikoaren eratze kongresua 2013ko otsailaren 23an egin zen. Besteak beste, kongresuan honako erabaki hauek hartu ziren egoitza sozialaren aldaketari, jarduera eremuari eta oinarri ideologikoei dagokienez. Bere jardueraren lurralde eremua Araba, Bizkaia, Gipuzkoa eta Nafarroa izango da, baina hauteskundeei begirako akordioak egin ditzake Espainiako Estatuko edo Europako Batasuneko beste alderdi politiko batzuekin, lau lurralde horiek gainditzen dituzten hauteskunde deialdietara elkarrekin aurkezteko.

SORTU erutzen da herritarren borondate politikoari forma ematen laguntzeko eta izaera politikoko instituzio ordezkatzailleetan haien parte-hartzea sustatzeko, hauteskundeetan hautagaiak aurkeztuz eta babestuz, honako printzipio hauek jasotzen dituzten oinarri ideologikoen arabera: Independentzia, erabateko Euskalduntzea, Sozialismoa, justizian eta askatasunean oinarritutako etorkizun baketsua, Feminismoa, Nazioarteko Elkartasuna eta Demokrazia Parte-hartzailea.

Alderdi Politikoak berari atxikitako fundazio bat dauka, "IRATZAR FUNDAZIOA" izenekoa. Alderdi Politikoak Fundazioan daukan partaidetzaren portzentajea %100 da eta, beraz, SORTUk konpromisoa hartzen du Fundazioaren aurreneko jarduera programaren gastuak estaltze aldera beharrezkoak diren funtsak jartzeko, baldin eta aurreikusita dauden finantziazio iturrietakoren batek emaitzarik ez badakar. "IRATZAR FUNDAZIOA" izaera sozial eta zibikoa duen fundazio bat da eta, beti ere, Alderdi Politikoaren Fundazioei buruzko legezko eta arauzko xedapen nazionalen arabera, fundatzailearen borondatearen arabera eta Fundazioaren Estatutuen arabera gobernatuko da.

Ekitaldi honetan alderdi politikoa ez da inongo hauteskunde prozesutara aurkeztu bere horretan, baina maiatzeko udal hauteskundeetan eta Araba, Bizkaia, Gipuzkoa eta Nafarroan egindako abenduko senaturako eta kongresurako hauteskundeetan parte hartu du EUSKAL HERRIA BILDU Federazioaren bidez.

Ekitaldi ekonomikoa 2015/01/01ean hasi eta 2015/12/31n amaitzen da.

2. OHARRA URTEKO KONTUAK AURKEZTEKO OINARRIAK

1. IRUDI FIDELA

Urteko kontuak Alderdi Politikoaren kontabilitate erregistroetan oinarrituta egin dira, eta Zuzendaritzak antolakunde politikoetara egokitutako kontabilitatearen arloan indarrean dauden legezko xedapenak bete ditu, Alderdi Politikoaren ondarearen, finantza egoeraren eta emaitzen irudi

fidela emateko helburuarekin.

Irudi fidela emateari dagokionez, kontabilitatearen arloko legezko xedapenen bat ez betetzea ekarri duen ezohiko arrazoirik ez dago.

Era berean, ez dago gehitu beharreko informazio osagarriarik, kontabilitatearen arloko xedapenen eta orokorki onartutako kontabilitate printzipioen aplikazioa aski delako enpresaren irudi fidela emateko.

2. APLIKATU DIREN KONTABILITATE PRINTZIPIO EZ-DERRIGORREZKOAK

Irudi fidela emateari dagokionez, derrigorrezkoa den kontabilitate printzipioren bat ez aplikatzea justifikatzen duen ezohiko arrazoirik ez dago.

Irudi fidela emateari dagokionez, ez dira aplikatu derrigorrezkoak ez diren beste kontabilitate printzipio batzuk.

3. ZIURGABETASUNAREN BALORAZIOAREN ALDE KRITIKOAK ETA ESTIMAZIOETAKO ZIURGABETASUNAREN ARRAZOIAK

Ez dago aldaketarik garrantzitsua izan daitekeen edo oraingo ekitaldian eragina izan dezakeen ezein kontabilitate estimaziotan.

Alderdiak dakiela, Alderdi Politikoaren funtzionaltasunaren etorkizunaz zalantza esanguratsuak sor litzakeen ziurgabetasun garrantzitsurik ez dago.

4. INFORMAZIOAREN ALDERAKETA

Memoria honetan aurkezten diren finantza egoerek ekitaldi honi (2015) dagozkion kontabilitate saldoak jasotzen dituzte eta ANTOLAKUNDE POLITIKOETARA EGOKITUTAKO KONTABILITATE PLANean jasotako printzipioen arabera prestatu dira.

Balantzearen eta emaitzen kontuaren egituran ez dago aldaketarik, beraz, bi kontuak alderatzea posible da bi ekitaldien artean.

5. HAINBAT PARTIDATAN JASOTAKO ELEMENTUAK

Ekitaldia ixteko unean, Alderdi Politikoak ez dauka idazpen batean baino gehiagotan jasota dagoen ondare elementurik, ez Balantzean, ez Galdu-Irabazien Kontuan, ez Ondare Garbiaren Aldaketen Egoeran.

6. ALDAKETAK KONTABILITATE IRIZPIDEETAN

Ekitaldi honetako kontuak aurreko ekitaldiko kontuen kontabilitate irizpide berak kontutan hartuz gauzatu dira, hau da, ez da aldaketarik egon aurreko ekitaldiari dagokionean.

7. AKATS ZUZENKETAK

Ekitaldi honetako kontuetan ez da aurreko ekitaldiko kontuen zuzenketarik gauzatu.

3. OHARRA ERREGISTRO ETA BALORAZIO ARAUAK

1. IBILGETU UKIEZINA

Ibilgetu ukiezinaren erregistrorako eta baloraziorako irizpideak Antolakunde Politikoetara egokitutako Kontabilitate Planak jasotzen dituen arauak betez aplikatu dira.

Amortizaziorako urteko zuzkidura metodo linealaren bidez kalkulatu da, merkataritzaren eta zergen arloan legez onargarriak diren amortizazio portzentajeak aplikatuz.

Itxitako azken ekitaldian, Galdu-Irabazien kontuan ibilgetu ukiezinaren amortizazioari dagokion zenbatekoa 0,00 € izan da.

2. IBILGETU MATERIALA

Ibilgetu materiala bere eskuratze kostuan aurkezten da, hau guztia jasoz: erosketaren faktura, garraio gastuak, aseguruak, aduanak (egotekotan), zergak eta instalazio eta abiarazte kostuak, finantza gastuak kontuan hartu gabe.

Handiagotzeek, eraberritzeek, hobekuntzek eta konponketek bizitza erabilgarriaren luzapen bat eragite ez duten bitartean, hauen mantentze gastuak zuzenean Galdu Irabazien kontuan kargatzen dira. Aldiz, bizitza erabilgarriaren luzapena eragiten duten hobekuntza edo eraberritze gastuak ibilgetuaren balioa gehituz kapitalizatzen dira.

Amortizaziorako urteko zuzkidura metodo linealaren bidez kalkulatu da, ondasun bakoitzaren batez besteko bizitza teknikoaren arabera eta merkataritzaren eta zergen arloan legez onargarriak diren amortizazio portzentajeak aplikatuz.

Eskuratutako ibilgetua ondasun erabilia bada, tauletan zehaztutako portzentaiaren bikoitza erabiliz amortizatuko da.

Lursailak eta orubeak ez dira amortizatzen.

Itxitako azken ekitaldian, Galdu-Irabazien kontuan ibilgetu materialaren amortizazioari dagokion zenbatekoa 139,881,16 € izan da, aurreko ekitaldikoa 2.681,70 € izanik.

3. HIGIEZINEN ARLOKO INBERTSIOAK

2008ko Kontabilitate Plan Orokorrean jasotako irizpideen eta definizioaren arabera, hala higiezin arloko inbertsioak (Lursail eta Ondasun Naturalak eta Eraikinak) nola Sozietatearen ondareari gehitzen zaizkien unean etorkizuneko erabilera finkatuta ez daukaten lursail eta eraikinen arloko inbertsioak 0,00 € eta 0,00 € izan dira hurrenez hurren.

4. ONDARE HISTORIKO-ARTISTIKOA OSATZEN DUTEN ONDASUNAK

Alderdi Politikoak ez dauka horrelako ondasunik.

5. ERRENTAMENDUAK

Ekitaldi honetan ez da finantza errentamendurik egon.

6. TRUKATZEAK

Ekitaldi honetan ez da trukatzerik egon.

7. FINANTZA INBERTSIOAK

Finantza inbertsioen zenbatekoa 71.767,11 € izan da, honela banatuta:

- a) Lokalak alokatzeko fidantzak: 41.767,11 €.
- b) Iratzar Fundazioari egindako ekarpena: 30.000,00 €.

8. IZAKINAK

Izakinak 42.124,64 € tan baloratzen dira, hauek hornitzaileei egindako aurrerakinak dira, lokalaren konponketa lanen harira egindakoak.

9. ANTOLAKUNDE POLITIKOAREN JARDUERAREN KONTSIDERAZIO FISKALA

Alderdi Politikoak ez du egin zergak ordaintzea dakarren jarduerarik. Horregatik ez du egin BEZaren aitortpenik ez Sozietate Zergaren arloko aitortpenik.

Alderdiak egindako aitortpen fiskalak, langileen nominen atxikipenagatik, P.F.E.Z, alokaeren atxikipenagatik eta eman bada profesionalen atxikipenagatik egin dira.

10. SARRERAK ETA GASTUAK

Sarrerak eta gastuak erregistratzeko orduan sortzapen printzipioa hartu da kontuan, hau da, fluxu erreala gertatu denean erregistratu dira, eta ez haiei lotutako diru edo finantza fluxua gertatu denean.

Alderdi politikoen finantziarioari buruzko uztailaren 4ko 8/2007 Lege Organikoak eta hauteskunde arautegiak agintzen dutena betez, Alderdi Politikoak sarrera arrunten eta hauteskundeei lotutako sarreren erregistro berezia eramango du, eta hauteskundeei lotutako gastu arruntak ere bereiziko ditu. Gainera, azken horiei dagokienez, bereizi egingo ditu hauteskundeetarako publizitatea bidaltzeak sortzen dituen gastuak eta aipatutako hauteskunde arautegian aurreikusitako azpimugetakoren

baten menpe daudenak.

Sarrera arruntak honako hauek izan dira:

EH Bilduren emaitzei dagokion sarrerak: 696.000,00 €

EH Bildu Federazioaren emaitzei dagokion sarrerak: 330.612,30 €

Afiliatuen kuotei dagokion sarrerak: 538.868,50 €

Afiliatuen, atxikitakoen eta jarraitzaileen beste ekarpen batzuei dagokion sarrerak: 2.658.814,16 €

SORTUren udako eskoletako matrikulazioari dagokion sarrerak: 4.324,24 €

SARRERAK GUZTIRA: 4.228.619,20 €

2015ko gastuak honela banatzen dira:

Pertsonal gastuak: 1.336.107,45 €

Jardueratik eratorritako gastuak: 1.074.206,12 €

Ibilgetuen amortizazioa: 137.199,46 €

GASTUAK GUZTIRA: 2.547.513,03 €

11. HORNIDURAK ETA KONTINGENTZIAK

Arriskuetaarako hornidura funtsa 0,00 € da.

Une bakoitzean dagoen informazioa kontuan hartuz, hornidurak ekitaldia ixten den egunean baloratuko dira, haien balio eguneratuaren arabera.

12. PERTSONAL GASTUEN ERREGISTROA ETA BALORAZIOA EGITEKO ERABILITAKO IRIZPIDEAK

Pertsonal gastuen erregistroa egiteko erabili diren irizpideak antolakunde politikoetara egokitutako kontabilitate planak jasotzen dituen erregistro eta balorazio arauak izan dira.

13. DIRULAGUNTZAK, DOHAINTZAK ETA LEGATUAK

Izaera finalista ez duten dirulaguntzak eta diruzko dohaintzak eta legatuak zuzenean kontabilizatzen dira emaitzen kontuan. Bereziki, irizpide horren arabera kontabilizatzen dira hauteskunde gastuetarako dirulaguntzak, funtzionamendu gastuetarako urteko dirulaguntzak eta ezohiko dirulaguntzak.

Gainerako dirulaguntzak PASIBO gisa kontabilizatzen dira hasieran.

14. LOTURADUN ALDEEN ARTEKO TRANSAKZIOETAN ERABILITAKO IRIZPIDEAK

Loturadun entitateen arteko transakzioetan erabilitako balorazio irizpidea arrazoizko balioa izan da.

4. OHARRA AKTIBO IBILGETUA

1. MUGIMENDUAREN AZTERKETA

Ibilgetu material, ukiezin eta ibilgetuaren inbertsio kontuen mugimenduak 2015eko ekitaldian ondorengoak izan dira:

| | Hasierako saldoa | Sarrerak | Irteerak | Azken saldoa |
|---|------------------|----------------|----------|-----------------------|
| Ibilgetu materiala | 1.347.180,00 € | 1.510.551,18 € | 0,00 € | 2.857.731,18 € |
| | | | | |
| | Hasierako saldoa | Sarrerak | Irteerak | Azken saldoa |
| Ibilgetu materiala- ren Amortizazioa | 2.681,71 € | 137.199,46 € | 0,00 € | 139.881,16 € |
| | Hasierako saldoa | Sarrerak | Irteerak | Azken saldoa |
| Ibilgetu materiala- ren B.N.K. | 1.344.498,30 € | 1.373.351,72 € | 0,00 € | 2.717.850,02 € |

2. ERRENTAMENDU FINANTZARIOA

SORTUK ez du inolako arrentamendu finantzariorik, ezta ere aktibo ez korronteen gaineko antzeko eragiketarik.

3. HISTORIA-ONDAREKO ONDASUNAK

Historia-ondareko parte diren ondasunen jabetzarik ez du Alderdi Politikoak.

5. OHARRA ATXIKITAKO ENTITATEAK

Iratzar Fundazioa, Ulia Eraikina 1, 20018 Donostian egoitza duena eta juridikoki Fundazio izaera duena.

Fundazioaren matrizea SORTU da, eta fundazioaren helburuak honen estatutuen 5. artikuluan zehazten dira.

SORTUK fundazioaren partaidetzaren %100 bere gain hartzen du.

Fundatze hornidura 30.000,00 €koa izan zen, guztia SORTUK ezarri duelarik, Fundazioaren kontu korrontean. Honez gain, SORTUK, Fundazioak bere funtzionamendurako eta helburu fundazioaletarako dituen behar ekonomikoak asetzeko konpromezua hartzen du.

6. OHARRA AFILIATUAK, ATXIKITAKOAK ETA JARRAITZAILEAK

Ekitaldi honetan, afiliatuek ordaindutako kuoten zenbatekoa 544.157,50 € izan da. Kuotak banku helbideratze bidez kobratzen dira. Guztizko kopuru horretatik, 5.289,00 € itzuli egin dira eta, beraz, 2015 ekitaldian kuoten bidez jaso den zenbatekoa 538.868,50 € izan da.

Mugimendu horiek zuzenean kontabilizatzen dira emaitzen kontuan. Horregatik, balantzearen B.II

epigrafeko kontuetan ez da inolako mugimendurik egon.

Ekitaldi honetako beste aportazioak 2.658.814, 16 €koak izan dira.

7. OHARRA ONDARE GARBIA

ONDARE GARBIA

4.582.295,69 €

Aurreko ekitaldietako soberakina

3.451.189,52 €

Ekitaldiko emaitza

1.131.106,17 €

8. OHARRA EGOERA FISKALA

1. IRABAZIEN GAINEKO ZERGAK

Sortu sozietateen gaineko zergatik salbuetsita dago.

Foru Arauaren arabera, partzialki salbuetsitako sozietatea da, eta, ekitaldian zehar bere helburuetatik kanpoko jarduerarik egin ez duenez, ZERGA HORI ORDAINTZETIK SALBUETSITA DAGO.

2. BESTE ZERGA BATZUK

SORTUK ez du bestelako zerga fiskalik ordaintzen.

Soil-soilik, eta hala balegokio, PFEZa ordainduko luke bere jardueraren barnean profesionalekin izan litzakeen harremanengatik.

9. OHARRA DIRULAGUNTZAK, DOHAINTZAK ETA LEGATUAK

2015 ekitaldian, Dirulaguntzen, Dohaintzen eta Legatuen kontuan, SORTUK 1.026.612,30 € jaso ditu. Zenbateko hori EH BILDUren eta EH Bildu Federazioaren bidez jaso da, SORTU koalizio horretako kidea baita.

10. OHARRA HAUTESKUNDE JARDUERAK

2015 ekitaldian SORTUK ez du zuzenean inongo hauteskundeetan parte hartu, baina EH Bildu Federazioaren bidez, udal hauteskundeetan, Araba, Bizkaia, eta Gipuzkoako Batzar Nagusietarako hauteskundeetan, Nafarroako Parlamenturako hauteskundeetan eta Estatuko Kongresurako eta Senaturako hauteskundeetan parte hartu du, koalizioko partaide baita.

11. OHARRA BESTE INFORMAZIO BATZUK

1. Batez besteko enplegatu kopurua

Ekitaldi honetako batez besteko enplegatu kopurua 33,76 izan da, guztiak SORTUrentzat era eksklusiboan aritzen den pertsonala bezala klasifikatuta.

1. SORTUk ez dauka Balantzean ageri ez den eta MEMORIA honetan adierazi ez den beste informazio esanguratsurik.
2. Ekitaldi honetan ez da inolako aldaketarik egon alderdi politikoaren Zuzendaritza organoan.
3. ROACen inskribatutako ezin auditore pribatuk ez ditu ikuskatu antolakunde politikoaren kontuak.